

中興禮書

戴冠子服裙帔即無礙外所有傳寫將來安奉御容依禮例合服禕服九龍四鳳法服詔依

十一月八日禮部太常寺言今來永祐陵下宮添修前殿一座候將來修奉了畢其安奉次序合行奏告告遷永祐陵下宮御容今參酌比附昨昭慈聖獻皇后并顯肅皇后櫬宮故事條具合行事件 一今來俟修前殿

了畢合奏告告遷徽宗皇帝御容於前殿安奉顯恭皇后顯肅皇后御容合於中殿以西為上安奉顯仁皇太后御容合俟將來掩殯宮畢太常少卿迎奉詣中殿顯肅皇后之次安奉 一將來中殿安奉顯仁皇太后御容亦合奏告昭慈聖獻皇后并懿節皇后御容 一合用祝文六首

一首送以為顯仁皇太后御容詣中殿安奉奏告告遷徽宗皇帝御容于前殿安奉之

之慧二首送以爲顯仁皇太后御容中殿以西爲上安奉
告連顯恭皇后顯仁皇太后御容中殿以西爲上安奉
之意二首送以爲顯仁皇太后御容中殿以西爲上安奉
后之次安奉告顯仁皇太后御容中殿以西爲上安奉
爲掩欄宮畢迎奉顯仁皇太后御容中殿以西爲上安奉
詣中殿于顯廟皇太后之次安奉之意合用御封降真香
六合並乞請降付所差人同祝文一就齋降附兩橫宮
一安奉顯仁皇太后御容乞依禮例差太常少卿行
奉安燒香之禮 一安奉并奏告各合用牙盤食茶酒
果等合差太祝四員並乞令紹興府依自來奏告例差
官排辦奏告官四員乞依例差修奉使司官行禮合候
修奉前殿畢工日擇日奏告畢於當日擇時告遷依次
序安奉令本陵都監捧遷安奉 一合用奏告日辰并
告遷時乞令修奉使司所差尅擇官一面選定行禮詔
依

三十年正月十九日龍圖天章等閣言近承降到顯仁

皇后御容二副已於隆殿內權行安奉今據太常寺禮

直官狀具到合行事件一今來收奉并安奉顯仁皇

后御容依見今太廟祔室次序係於顯肅皇后之次其

本閣官行燒香禮並依祖宗諸后例崇奉一合用御

封香五合乞依本閣例於睿思殿外庫請降告一本閣祖

宗御神一合奏告內中祖宗神御一合告遷顯仁

皇后御容一合本閣神御殿收奉一合內中神御

奉一告遷時前本閣官常服吉帶詣祖宗神御殿并

詣內中神御殿行燒香奏告禮畢俟時告遷顯仁皇后

御容二軸內一軸天章閣神御殿收奉一軸內中神

御殿安奉並乞本閣官行燒香之禮一合差援衛親從

輦官自本閣捧擎腰輿至祥曦殿門所有自殿門捧擎

腰與至內中神御殿乞差供內儀鸞司就用本殿服色
本閣官後從一乞下太史局選收奉安奉吉日時刻
及差定時尅擇官一名祇應詔依

詔旨

紹興二十九年十一月二十五日臣僚上言臣聞宣仁
聖烈皇后以恭儉之德母儀天下元祐之間天下化之
民到于今頌詠而不衰者以載之信史傳之後世也伏
惟顯仁皇太后天惟性慈儉萬行淳備受四海之養垂
二十載而躬行節儉孝宗惜名器冠古超今未見其比
側聞積累之勤充_{御名}府庫日者費用殆無毫杪假之於
版曹取之於民庶太上所謂儉故能廣於斯可驗則其
躬行節儉有如此者柅制外民不使踰矩美官好爵未

嘗安施至於每歲合得補授積至八十有奇不以無功而有濫予則其孝宗惜名器有如此者是以皇天眷祐懿高八十哀榮終始上副聖主孝慕之極迨其龍輅發引氣象清明海不揚波人神叶和駿奔率職天心人事其應如響國僑所謂天道遠者其遠乎哉臣職司耳目采之輿論彰灼如是伏望睿旨宣付史館以繼軌於宣仁以為法於天下則西京實后之篤好黃老東漢明德之大練濯龍比之為禩也仰惟聖意裁幸式副天下之願望取進止詔可付史館

十一月十一日臣僚劄子奏臣竊惟顯仁皇太后恭儉之德冠於古今仁慈之風追配三后上天降監界之以康寧報之以盛福登之以上壽奉諱之日上而公卿大

夫下而婦人孺子近而輦轂畿甸外而窮邊八荒飲泣
巷哭如中路嬰兒之失其母雖陛下聖孝動天昭格于
下馴以致此然臣嘗求其所以而得四端焉夫民庶之
家幸而有子及其既老猶且含飴盡樂以終高年况乎
躬育萬乘再造宗祊歸安東朝為天下母雖及四海九
州之奉不是過也而先后克自抑損服御至儉湯沐甘
旨之羨積之於有司至於數千萬計而不取此其德一
也后妃以降得官其家祖宗以來所不得廢故尊之極
者於恩亦盡其隆宣仁聖烈嘗減四分之一史臣用為
美談而先后二十年間所得恩澤概以有數念名器可惜
歸之於有司而不受此其德二也古人之事其親生有
以養死有以葬雖匹士之微傷哉之貧於斯道也不敢

不勉而先后為天子之母享天下之養厭世上俸遺誥
丁寧自食冒至于寢園一錢尺帛必慈寧是出而大司
農不與焉此其德三也人之情孰不顧其宗姓族黨以
帝母之盛咳吐眇昧雖銅山金穴之富重侯累將之貴
無不可得而儉遇諸韋不少假借今外家之門畧與庶
姓不異此其德四也凡此四端章明顯著人得而知然
則宮掖之內庭闈之間仁心仁聞以其所可知揆其所
不知當不勝載矣異日史策大書極不過一佳傳何以
足發揚徽音之萬一臣伏見國史院頃者奉詔修纂皇
太后回鑿事實臣欲乞以今歲慶壽詔書推恩天下及
郡國表章歌頌最在南宮者自駟馭寧極迄于升祔凡
喪紀寔宥之事且在太常者命史官取以為回鑿後錄

其聖德隱奧外人所不得聞者乞自聖慈隨事宣諭俾
一一登載裁成信書庶幾藏之名山副在石室萬石之
下咸知有宋文母如此其盛陛下所以追孝昭事之禮
如此其至亦足以少紓宸心之永慕也臣不勝泣血懇
歎之至詔付史館

十二月空日詔門下朕欽承永祐之丕基虔奉慈寧之
大養優游二紀奄忽千年事畢因山既返虞於故寢禮
成合祭遂歸祔於太宮言念費用悉出於東朝調度不
加於外府坤靈獻吉川后靜波獲天人幽顯之祥賴中
外臣鄰之力而來往經涉督治頻仍工徒營繕之勤兵
民暴露之久衰屯大事豈無少勞載軫朕心思慰黎庶
爰施帟侑用示撫綏顯仁皇后祔廟太依典故可降德

音云云於戲發政施仁實廣好生之德推恩及物以慰在天之靈咨爾群倫體予至意主者施行

塑製奉安神御

紹興三十一年九月八日禮部太常寺言將來九月二十日顯仁皇后大祥依國朝故事大祥後迎奉神御赴景靈宮奉安今具合申請事件下項一檢會昭慈聖獻皇后顯恭皇后顯肅皇后神御並係漆塑首飾花鏤六鈿冠並用假珠子結團青雉朱履革帶係皇后服體式塑製了當所有今來塑製顯仁皇后神御欲乞令都大主管官取旨塑製一今來奉安顯仁皇后神御次序合於景靈宮顯肅皇后神御之次安奉乞令景靈宮主管所有預行措置安奉帳座一依故事於大祥前

差近上内侍官一員充都大主管就禁中塑製神御大
於祥後擇日迎奉赴景靈宮奉安今來塑製顯仁皇后
神御合差近上内侍官一員充都大主管詔依

十五日景靈宮主管所言將來奉安顯仁皇后神御帳
座昨來修蓋新宮係修内司同兩浙轉運司修置詔令
修内司依見安奉帳座修置

三十二年五月二日禮部太常寺言今參酌禮例下項
一於正奉安前自塑製處禮儀使告遷神御至射殿
用龍椅捧遷升腰輿顯仁皇后親屬前導神御至射殿
捧遷神御入帷權奉安訖權退禮儀使早晚上香親屬
陪位至奉安日皇帝先行酌獻禮畢權歸帷次捧遷神
御升腰輿訖皇帝出帷步導神御出麗正門外奉辭燒

香畢權歸帷俟神御帷步過乘輦還內所有射殿上合
設權安奉神御帷次并逐處合用御帷并黃羅拜褥奏
請紫褥及幕帳門露屋等令儀鸞司排辦釘設 一奉
安日依禮例皇帝不視事 一依禮例合差禮儀使一

員係差宰臣并合差都大主管官一員係就差塑製都

大主管官

一迎奉日禮儀使合用祝文一首

速速以告

安之意

并合用御封降真香六合詔依

三日塑製顯仁皇后神御都大主管所言契勘見塑製
顯仁皇后神御於五月八日一切了畢依故例次日戴
頭冠開光明合擇日取旨據魁擇官選到開光明吉日
時刻宜用五月十一日丁未吉時宜用其日巽時詔依
同日禮部太常寺言今參酌下項 一合用權奉安正

奉安告遷神御日時并合差定時尅擇官乞令太史局
選定差撥 一合差擎腰輿并香案及執打從物等班
直輦官并禁衛親從官等裝著儀注全乞令都大主管
所關報所屬差撥所有僧道各一百人乞下臨安府差
撥 一合用緣結殿子乞令都大主管所行下儀鸞司
排辦 一迎奉詣景靈宮日時前皇帝詣射殿權安奉
神御帷前行酌獻禮并禮儀使自塑製處告遷神御詣
射殿權安奉訖早晚上香及迎奉詣景靈宮日時前奏
告并正奉安各合用供養茶酒果牙盤食蠟燭等並乞
令都大主管所行下詣司排辦

六日禮部太常寺言迎奉顯仁皇后神御赴景靈宮奉
安依禮例合前二日奏告景靈宮詣殿聖像神御今參

的條具下項 一奏告日欲乞依禮例皇帝前後殿不

視事 一奏告合用御封降真香二十八合 一奏告

合用青詞 二首 一首奏告聖祖天尊大帝祝文 一首

奏告無極皇帝至極宗皇帝一首奏告聖祖天尊大帝祝文 一首

慈聖无極皇后一首奏告宣仁聖烈皇后至顯肅皇后

意 一奏告聖祖天尊大帝九天大聖后聖像合用蒼

幣二段 一奏告合用鶴梨法醬茶酒果蠟燭等乞依

例報臨安府排辦 一奏告行事官乞從太常寺具窠

目申中書降勅差官詔依

八日奉安神御都大主管所言據尅擇官選到奉安顯

仁皇后神御吉日時刻正奉安日宜用五月十六日壬

子吉告遷時宜用其日巽時吉正奉安時宜用其日坤

時吉時奉安前一日告遷權奉安時宜用其日巽吉時
詔依

同日太常寺言五月十六日迎奉顯仁皇后神御詣景
靈宮奉安前二日奏告景靈宮合差奏告官五員並乞
宰執充并合差光祿卿奉禮郎太祝太官令並乞差侍
從臺諫官充係於五月十三日絕早赴景靈宮宿齋至
日行事畢退今具下項 一前殿聖祖天尊大帝聖像
前奏告官及光祿卿奉禮郎太祝太官令各一員 一
後殿元天大聖后聖像前奏告官及光祿卿奉禮郎太
祝太官令各一員 一中殿諸帝神御前奏告官及太
祝各一員 一後殿昭慈憲皇_后至慈聖光獻皇后神御
奏告官及太祝各一員 一後殿宣仁聖烈皇后至顯

肅皇后神御前奏告官及太祝各一員詔依

同日禮部太常寺言今參酌下項 一迎奉神御正奉
安日皇帝行酌獻禮今欲乞依朝獻禮例前一日皇帝
齋於內殿各合差侍臣一員俟內侍酌茶酒畢接盞跪
進皇帝乞差兩省官并合差前導太常卿一員并贊引
太常博士卿太常博士一員乞差本寺少卿博士充

一禮儀使行奏告并正奉安禮各合差太祝一員欲乞
差太常寺官充 一迎奉奉安合差扶侍夾侍并捧

神御內侍官及掌香火官及皇帝酌獻行禮合差捲簾
侍香酌茶酒執燭內侍 一正奉安日禮儀使行禮合

用祝文一首

述以正奉安顯仁
皇后神御之意

并合用御封降真香一

合 一奉迎正奉安依例合用儀仗鼓吹導引排立其

細仗二百人更互排立乞令兵部差撥外內鼓吹乞令太常寺比附昨顯仁皇后祔廟人數下殿前馬步三司差撥雜攢樂人充其修饌導引詞曲等並乞依昨顯仁皇后祔廟申請到指揮體例關報所屬施行 一正奉安日依禮例百司作休務假一日并次日作歇泊休務假一日 一奉迎正奉安日依禮例宰執親王使相侍從臺諫兩省官禮官閣門官兩班宗室本宅親屬騎道禮儀使騎從並陪位立班係御史臺閣門太常寺告集引揖都大主管官往來照管及正奉安日合用百官陪位乞送御史臺閣門申請施行詔依 十日御史臺言迎奉奉安日合用百官陪位欲乞至日集應厘務不厘務通直郎以上及行在見任寺監主簿

承務郎以上職事官陪位立班詔依閣門言乞用武臣
保義郎以上并三衛員僚赴陪位立班詔依

迎奉神御詣景靈宮鼓吹詞

道宮導引

坤儀厚載遠德滿寰中歸御廣寒宮玉容如在颯興遠
長樂起悲風霓旌降節下層空雲闕晚曛曨真游千載
安原廟聖孝與天道

告遷神御詣射殿權安奉儀

其日禮儀使詣塑製所幕次陪位親屬詣殿北向立定
禮直官引禮儀使詣顯仁皇后神製殿下西向立都大
主管官重行於禮儀使之後禮直官揖躬拜禮儀使再
拜在位官皆再拜訖禮儀使升殿詣顯仁皇后神御香

案前搢笏上香再上香三上香執笏降階復位禮直官
揖躬拜禮儀使再拜在位官皆再拜訖次引禮儀使詣
顯仁皇后神御前禱位俛伏跪奏稱禮儀使臣某言請
顯仁皇后神御降座升輿詣射殿權安奉奏訖伏輿降
階復位立都大主管官往來照管贊者引陪位官分左
右立次輦官擎腰輿至殿前輦官權退扶持夾侍捧遞
顯仁皇后神御升腰輿訖次輦官擎腰輿以次進行扶
侍夾侍分左右禮儀使後從都大主管官往來照管親
屬前導儀仗鼓吹次振作僧道法事前引禁衛班直親從
官等扈衛至射殿下腰輿權駐禮儀使詣神御前俛伏
跪奏稱禮儀使臣某言請顯仁皇后神御升殿降輿升
座權安奉奏訖伏輿稍東西向立腰輿升殿東階至殿

上當中置定輦官權退次扶侍夾侍捧遷神御入帷次
輦官擎腰輿退禮儀使以下權歸幕次有司排辦供養
牙盤食茶酒果香火等畢禁衛班直親從官排立儀仗
鼓吹僧道更互振作次禮儀使早燒香親屬陪位俟燒
香畢歸次以俟晚燒香如儀

禮儀使行奏告禮儀

其日早俟有司於射殿顯仁皇后神御帷前排辦供養
牙盤食茶酒果香火等畢贊者先引太祝詣殿下北向
立都大主管官往來照管禮直官引禮儀使詣殿下之
東西向立禮直官揖躬拜在位官皆再拜訖次引太祝
升詣神御帷前之西東向立禮直官引禮儀使升詣顯
仁皇后神御香案前搢笏上香再上香三上香跪一奠

茶三奠酒執笏伏興少立太祝指笏跪讀祝文訖執
笏興降復位禮儀使再拜降復位次引禮儀使以下詣
望燎位南向立太祝於其後俟焚祝版訖權退歸幕次
皇帝行的獻禮并麗正門外奉辭及禮儀使正

奉安儀

其日俟禮儀使行奏告禮畢儀仗鼓吹僧道權退於麗
正門外排立以俟奉迎有司排辦酌獻牙盤食茶酒果
香火等畢禮直官引侍臣詣顯仁皇后神御前香案之
東西向立禮直官引太常博士太常卿詣御幄前北向
立次御史臺閣門太常寺分引宰執親王使相待從臺
諫兩省官閣門官禮官南班宗室及親屬詣殿下北向
立定皇帝自內服履袍詣御幄簾降少頃引太常卿當

帷前俛伏跪奏稱太常卿臣某言請皇帝行的獻之禮
 奏訖伏興復位簾捲前導官導皇帝出帷詣殿下褥位
 之東西向立奏請拜皇帝再拜典儀曰拜贊者承傳曰
 再拜在位官皆再拜訖前導官導皇帝升殿詣顯仁皇
 后神御香案前奏請上香再上香三上香內侍以茶酒
 授侍臣侍臣西向跪以進又奏請皇帝跪一奠茶奠酒
 再奠酒三奠酒訖奏請皇帝俛伏興又奏請拜皇帝再
 拜典儀曰拜贊者承傳曰再拜在位官皆再拜前導官
 導皇帝降階歸御帷簾降前導官於帷前少立禮儀使
 升殿上西向立陪位官權於麗正外門幕次以俟騎導
 次筆官擎腰輿升殿置定筆官權退尅擇官報告遷時
 及引禮儀使詣神御前俛伏跪奏稱禮儀使臣某言請

顯仁皇后神御降座升與赴景靈宮奉安奏訖伏興降
階稍西東向立扶持夾侍捧送神御升腰與都大主管
官往來照管次輦官升殿於腰與前立次太常卿當帷
前俛伏跪奏稱太常卿臣某言請皇帝前導神御進發
奏訖伏興復位立簾前導導官導皇帝出帷次輦官擊腰
與以次降西階前導官導皇帝前導神御進行禁衛班
直親從官等扈衛扶持夾侍分左右禮儀使後從都大
主管官往來照管前導官導皇帝前導神御出麗正門
外少駐俟置定腰與輦官權退前導官導皇帝入御帷
簾降有司排辦香案香火等畢太常卿當帷前俛伏跪
奏稱太常卿臣某言請皇帝行奉辭之禮奏訖伏興復
位立簾捲前導官導皇帝出帷詣神御香案前禮直官

奏請拜皇帝再拜訖又奏請上香再上香三上香訖又奏請拜皇帝再拜訖前導官導皇帝歸簾降太常卿當帷前俛伏跪奏稱太常卿臣某言禮畢奏訖復伏興少立前導官退次輦官捧擎神御腰輿進行皇帝乘輦還內如常儀次宰執親王使相侍從臺諫兩省閣門官禮官南班宗室及親屬分左右騎導禮儀使後從都大主管官往來照管禁衛班直親從官等扈衛儀仗鼓吹振作僧道作法事前引至景靈宮櫺星門外陪位文武百官奉迎再拜訖退騎導官下馬步導如兩降陪位文武官先迎拜步禮儀使後從都大主管官往來照管神御入天興殿門經由東廊至後殿下步導官權退歸幕次儀仗鼓吹僧道並權止輦官權退次引禮儀使

詣神御腰輿前佞伏跪奏稱禮儀使臣某言請顯仁皇
后神御升殿降輿升座權安奉奏訖伏興詣殿下西向
立次鞏官擎腰輿升東階詣殿上置定次鞏官退扶侍
夾侍捧遷神御升側座權奉安訖次鞏官升殿擎腰輿
退禮儀使權歸幕次禁衛班直親從官儀仗僧道更互
排立俟奉安時前有司排辦香火等畢儀仗僧道並退
禁衛班直親從官仍舊排立次太常寺先引太祝太官
令詣殿下再拜訖升殿詣顯仁皇后神御香案之西東
向立御史臺閣門太常寺分引宰執親王使相侍從臺
諫兩省官閣門官禮官南班宗室及親屬并陪位文武
百官入詣天興殿下再拜訖次詣中殿再拜訖次詣後
殿下各就位立再拜訖次引都大主管官升殿往來照

管次引禮儀使升殿詣顯仁皇后神御香案之東西向
立定俟尅擇官報時及引禮儀使詣香案前俛伏跪奏
稱禮儀使臣某言請顯仁皇后神御升正座奉安奏訖
伏興退詣香案之東復位立俟有司遷正座訖次引禮
儀使都大主管官降階詣殿下褥位禮儀使西向立都
大主管官立於其後禮直官揖躬拜禮儀使再拜在位
官皆再拜訖次引都大主管官升殿往來照管次引禮
儀使升殿詣顯仁皇后神御香案前搢笏上香再上香
三上香跪奠茶三奠酒執笏俛伏興少立太祝搢笏跪
讀祝文訖執笏興少退立禮儀使再拜訖降階復位禮
直官揖躬拜禮儀使再拜在位官皆再拜訖次引禮儀
使詣望燎位次引太祝降階詣望燎位重行於禮儀使

之後立有司焚祝版訖禮儀使以下并陪位官班退禁
衛班直親從官以次退

中興禮書第二百七十六卷

凶禮四十一

顯仁皇后

弔祭

紹興三十年正月七日禮部太常寺言準都省劄子勘會金國將來若遣弔愁祭奠使過界其迎接并到闕朝見受書應干禮儀及預期排辦事件令禮部太常寺國信所先次討論條具申尚書省今討論參酌典故下項

一元祐八年接伴使副合服紫素鞵黑鞞犀帶幃額圖障坐席等並用青素從人用青柱點錦簷帽子青柱點錦絡縫衣國信所供到正旦接判伴使副下人從紫衫黃帶子今欲依故例并國信所供到事理施行

一元豐八年祭奠接伴龐光英等奏北使謝恩並不舞
蹈今欲依故例施行 一元祐八年指揮元豐八年祭
奠大使金冠皂羅金蹀躞副使皂帶乘開裝鞍轡馬戴
纓人從紅鞋腰帶牽攏官青錦綠法衣弔慰人使依祭
奠裝束如祭奠弔慰人使却乘素鞵鞍過界不須理會
今欲令接伴審度說諭合着公服皂帶其鞍鞵從宜
一沿路賸貽軍傳宣撫問賜御筵鎮江府賜茶御藥筵
平江府賜御筵口宣依故例更不絞縛山接亦不作樂
今欲依故例施行 一館伴使副押賜御筵官深紫公
服黑犀帶不佩魚服銀鞍紫羅鞵轡去狨坐隨行祇應
諸色人等紫衫黑帶今欲依故例施行 一人使位并
賜宴聚食公廳并接館伴位及赤岸班荆館都亭驛陳

設用素壁衣額道素青碧山水圖幃欲依故例施行
會外郡州縣竊慮難以辦集欲令依正旦體例用青如
排辦不及間許用紫惟不得用緋一正旦人使禮物
檐床額衣係用黃色其天武官並著紫緋袖素寬衫今
欲依正旦例施行詔依

同日都省劄子盱眙軍申承對境泗州牒已差定弔慰
使副擇定二月初六日行禮取正月十九日過界劄付
禮部照會疾速排辦施行使金吾衛上將軍左宣徽使
大懷忠付使大中大夫尚書禮部侍郎耨益溫都謙請
祭文官朝散大夫充翰林修撰同知制誥石琚三節人
從六十七人上節九人中節一十四人下節四十四人
十三日閩門言準尚書省劄子節文將來金國遣祭奠

弔慰使副到闕具見辭受國書應干禮儀令禮部御史
臺閣門太常寺同共預行修定聞奏閣門今檢照得元
祐八年北朝祭奠弔慰人使到闕見辭故例下項 一
故例朝見日先於皇儀殿設神御座祭奠弔慰使付進
祭文并升殿祭奠禮儀及朝辭日祭奠並係太常寺所
掌禮直官舍人引揖今來祭奠弔慰使副祭奠禮儀等
并設神御去處並乞令太常寺討論施行 一故例朝
見日皇帝素服坐祭奠弔慰使副入弔慰使捧書於階
下立引進使至弔慰使前立弔慰使稍前跪進慰書引
進使跪接捧書升殿進呈訖皇帝舉哭左右殿上下及
人使皆哭弔慰使副升殿傳語訖降階與祭奠使副一
班兩拜舍人代奏萬福訖又兩拜出班致詞奉慰訖歸

位又兩拜更不賜茶出殿今來祭奠弔慰使副到闕朝見拜數舉哭不賜茶並乞依故例所有授受書欲乞依例升殿授書傳語貼黃使副見共六拜故例止係親從官排立管軍不赴禁衛不入今取聖旨一故例使人朝見訖改常服赴紫宸殿門上先祭奠使付一班謝別賜衣帶例物兩拜次祭奠使副又與弔慰使副一班謝賜對見例物如謝別賜儀次階下舍利門見兩拜唱賜例物跪授一拜起又兩拜次從人如舍利儀今來祭奠弔慰使副并三節人從授賜衣帶並合於殿門外授賜拜數乞依故例施行一故例朝辭其日係忌前假皇帝崇政殿坐引人使入四拜起居舍人代奏為福引那近西東向立升引升殿喫茶上下各兩拜賜茶畢宰執復升引

人使朝辭先兩拜出班致詞訖歸位兩拜唱賜例物跪授一拜起又兩拜引稍前再兩拜升殿授書傳語今來欲乞人使兩拜起君訖賜茶朝辭拜數授書並依近例施行 一今來人使朝辭日御殿取聖旨 一故例舍利從人各班於崇政殿門外故辭兩拜唱賜例物跪授一拜起又兩拜退今來三節人從欲乞並令入殿朝辭授賜拜數並乞依例施行詔弔祭使人朝見朝辭日故例赴皇儀殿弔祭禮儀并使人朝見進書拜數并使人朝辭御殿去處並令申尚書省餘依

二十日禮部太常寺言准尚書省劄子儀鸞司狀今來全國弔祭使人到闕在近未審合與不合依已排辦過正旦所用陳設等體例釘設有無增損更名易色乞下

所屬逐一討論今具已排辦過正旦釘設去處及所用陳設等別下禮部太常寺參酌討論指定申尚書省今討論指定下項 一殿上壁衣額道柱衣并從床衣子並係素黃內拽簾鉤條青色今討論欲依已排辦過名件施行 一赴座臣僚及使副並係紫墊并臺卓子衣並係紫素及三節人從都管座褥條子方座子亦係紫靴并紫拜及席褥 一兩朵殿及兩廊倚簷等并茶酒屋並止用青額道其茶酒屋內偏釘衣子係用紫色竊緣今來係吊慰使副排設即與前項賀正旦事體不同今討論上件顏色並乞改用青色 一使人殿門裏外待班閣子及殿門外賜酒果幕次壁衣額道綠簾鉤條並係紫色其賜酒果幕次內席條子亦係紫靴依紹興

三十年正月七日已降指揮人使立并賜宴聚食公廳
并接伴位及赤岸班荆館都亭驛陳設用青紫壁衣額
道今討論欲依上件指揮改用青素 一殿門裏外百
官幕次簾額今討論欲乞用素紫及青布單隨宜釘設
詔依

二十三日禮部御史臺閣門太常寺言修定討論到弔
祭使副到闕合行事件下項 一國朝會要契丹祭奠
弔慰使到闕文武官兩省都知押班以下並常服黑帶
素鞅鞵禁止音樂使副祭奠進慰書訖文武百僚並詣
殿門外進名奉慰今討論欲依典故俟至日使副祭奠
進慰書訖宰臣率文武百官並常服黑帶詣文德殿門
外進名奉慰 一几筵殿皇帝行燒香禮合用御封降

真香二合

一合備祭奠行禮前用
一合備奉辭行禮前用

乞令入內內侍省

請降付几筵殿至日供燒香所有弔慰使合用香係欽

奉所別行排辦一弔慰使副行祭奠禮其几筵殿上

俟香供茶酒贊引並乞差太常寺禮直郎官贊者祇應

一欲乞行禮前三日令御史臺閣門太常寺國信所

并合詣几筵殿祇應等人並於懷遠驛習儀詔依

同日三省樞密院言弔祭使副到闕皇帝所服欲知禮

官所議服軟脚帕頭寬袖襖衫布帶皆用稍麤布素履

詔依

同日御史臺閣門太常寺言今具合行事件下項一

祭奠日并奉辭日入麗正門至南官門裏幕次經由射

殿門至慈寧殿門外幕次換素服詣几筵殿行禮所有

經由門戶乞闕報所屬施行其合用幕次并几筵殿門外宰執并使人等待班幕次並乞令儀鸞司計會閤門國信所釘設排辦一合用素帳并淡黃羅拜褥并青羅拜褥令儀司前期排辦釘設一國朝會要祭奠吊慰使副禮畢歸幕次改常服赴客省賜茶酒所有使副合賜對見例物並只門賜俟人使歸館別差近上臣僚押賜御筵今討論欲依故事施行一故例捧祝文差中書舍人二員今欲照故例如將來金國祭奠人使捧祭文合差中書舍人二員乞預行差官一國信所具到弔慰使副就駟差中使特賜衣服金帶銀器衣著今討論欲依前項故例施行一契勘將來弔慰使副到關於几筵前行祭奠禮合用香茶酒果祭食等欲乞令

提舉几筵欽奉所指揮所屬排辦 一將來几筵欲乞
去拆中階合築東西階并修置殿上欄竿乞令提舉几
筵欽奉所報修內司修築 一所有祭文欲乞候讀祭
文官讀訖令本殿官收掌候班退一面焚燒 一所有
祭文慰書今欲乞差內侍官三員一員於几筵殿門外
俟弔慰使捧祭文至接捧祭文升殿以授中書舍人依
典故弔慰使於殿上啟封所有今來啟封去處乞令館
伴使副臨時審度說諭一員俟讀訖捧授置於几筵前
一員於几筵殿門外接捧慰書至殿下俟弔祭使捧執
升殿祭奠昨係內侍官權捧候人使祭畢降階復位拜
訖稍東以慰書授弔慰者 一國信所具例元祐八年
祭奠館伴語錄內十二月十七日早即律恂等赴紫宸

殿門謝射弓例物客省賜茶酒畢詣相國寺廣願塔及
大殿次詣集禧觀五嶽殿燒香今討論欲依國信所具
到上件故例除使副及詣天竺燒香之類合依近降指
揮令館伴臣僚體當人使如須欲去燒香即依例施行
不願亦聽從便外故例不射弓其例物合依國信所具
到令所屬依自未體例排辦宣賜 一所有弔慰使副
於几筵殿行禮日并奉辭几筵日其合入几筵殿祇應
禁衛欲乞令服見今所服 一依指揮討論指定弔祭
三節人從合與不合朝見入慰及所服衣帶已具奏聞
令討論三節人從依故例門賜衣帶例物更令館伴使
副審度說諭從宜施行 一依故例弔祭使副朝見止
係親從官排立管軍不赴禁衛不入詔依

同日禮部太常寺言將來弔祭使副到闕詣顯仁皇后
几筵殿行禮弔祭禮所有几筵殿上壁衣額道等並用
編素其卓幃用黃色所有慈寧殿門外幕次陳設等用
青色詔依

二十四日問門言契勘先降指揮全國人使見辭等階
下拜處令儀鸞司鋪毯所有今來弔祭使人詣几筵殿
行禮殿下拜處欲設椅位詔令儀鸞司排辦

同日都省言勘會已降指揮將來弔祭使於慈寧殿几
筵前行禮依故例合差捧祭文中書舍人二員詔依差
仍暫借紫二員並係攝官

二十七日詔將來弔祭人使見辭訖次日作歇泊假

二十八日詔將來金國弔祭人使朝見畢令於紫宸殿

隔門外謝衣帶并三節人從門見授賜又詔金國弔祭人使朝辭御垂拱殿坐

二月四日閣門言已降指揮於慈寧殿內東廊西向設素帳今乞於慈寧殿東間南向設御恆詔依

同日又言今續擬定將來弔祭人使行禮等節次今具下項 一其日有司於慈寧殿顯仁皇后几筵前設祭食茶酒香案訖俟弔祭人使并讀祭文官至慈寧殿門外幕次有弔祭人使附到祭食先於几筵排設皇帝宮中先行燒香之禮畢東極御恆簾降催班於几筵殿下立定先親從官兩拜次捧祭文攝中書舍人二員并閣門官以下並在內侍都知御帶以下并諸司官闈班兩拜訖各歸祇應侍陪位

知閣門官以下於東壁面西立攝中書舍人于西壁面東立

次引宰執入當殿兩拜訖於御幄殿下東壁

面西立次館伴入當殿兩拜以上送班訖使于和闐門

立付使出入入內官於殿門接捧祭文先升殿次禮直

官舍人通事引人使讀祭文官入如有所隨入列于

出時當殿立定並舉哭再拜皇帝於幄次內舉哭使升殿

次禮直官引讀祭文官升西階詣几筵座前西北立

引稍前三上香奠茶三奠酒畢引少後立內侍官以祭

文授弔祭使啟封訖內侍官以祭文授中書舍人禮直

官引攝中書舍人並跪捧次禮直官贊讀祭文官跪讀

訖興攝中書舍人以祭文復授內侍官訖退內侍官捧

授祭文置於几筵座前引弔祭使讀祭文官降階能作

復位又舉哭再拜皇帝於幄次內舉哭殿上下官禮

禮

直官舍人通事引入使並權退於慈寧殿門外幕次以

俟朝見 一弔祭使人赴御帳朝見其日皇帝御帳坐

簾捲親從官就位自贊常起居次知閤門官宣贊舍人

已下并提點同提點承受並履內侍省都知御帶已下

一班闕班常起居訖讀奏目知閤門官升殿讀奏目餘

並歸侍立位諸司官先退次舍人引宰執一班當殿常起居訖升殿

分立次館伴使副入四拜起居使知閤門官以下稍南

出出使隨入出出接次舍人通事引弔祭人使其儀祭文官

依例依例合隨人使入殿進書傳諭一班朝見如不捧書入

殿至御帳殿階下傳語客省官接引升殿北向立定舍

人通事引使稍前跪進書皇帝起立舉哭皆殿上下官接

書使授知省訖揖使還立位客省官於人使班前西向

立再引使稍前跪使傳金主問聖體授客省官側奏訖
揖使起還立位客省官先御前側奏訖赴當副頭躬承
旨訖於人使班前西向立再引使稍前跪客省官先御
前側傳立問金主聖體授人使訖人使回奏授客省官
側奏訖皇帝坐揖使起還立位客省官先御前側奏訖
赴當頭躬承旨訖於人使班前西向立引人使並稍前
跪客省官傳宣問人使訖使人回奏授客省官側奏訖
揖使人並起還立位傳訖舍人通事引人使降
階知人內有官發跪授當御幄殿立更不四
拜起居代舍人班前引班首出班致詞奉慰此班前歸
位兩拜及撫問更不謝訖出至殿門下皇帝
起還宮訖並退次舍人通事引帶祭使副依如使依體例

印合隨使使副一班門謝所賜例物一班門見交賜一班於

殿隔門外階上揖躬抬例物過唱拜兩拜訖退次舍人

通事引上中節於殿隔門外階下門見唱拜兩拜訖喝

賜跪授抬擔床過就一拜起唱拜兩拜訖退次下節於

隔門外階下門見唱拜兩拜呼萬歲唱賜跪授抬擔床

過就一拜起唱拜兩拜呼萬歲訖退次閣門御史臺太

常寺分文武百僚並常服黑帶赴文德殿隔門外進名

奉慰兩拜訖退一乞候人使到駟館伴說諭或有改

更臨時取旨詔依

五日詔今月六日全國弔祭人使行禮副使令隨使升

殿讀祭文官同副使例

同日主管往來國俗所言全國弔祭人使到關據大通

十日太常寺言所有顯仁皇后几筵前奉辭行禮未有習儀日分今欲乞於十一日令合赴應奉官司等先詣几筵殿習儀畢次赴垂拱殿習儀詔依

同日閣門言今擬定二月十二日金國弔祭人使先赴几筵殿奉辭燒香次赴垂拱殿賜茶畢朝辭節次如後

一弔祭人使若赴顯仁皇后几筵殿奉辭其日有司於顯仁皇后几筵前設香茶酒果等備几筵殿下先親

從官兩拜次閣門官已下內侍都知御帶已下并諸司祇應官已下一班閣門官已下御帶並履笏由侍

內侍兩拜訖閣門官宣贊舍人已下東壁面西侍立內侍都知御帶已下西壁面東侍立次引宰執侍從官入

赴當殿兩拜訖宰執由西階升殿分東西立侍從官於

殿下東壁面西立次管伴入當殿兩拜訖

使十知閣南
精東立副使

出接人禮直官舍人通事引人使讀祭文官入當殿立

使同上兩拜訖引使副由西階升殿

讀祭文官依
於殿

上北向立引使詣几筵殿前就一拜跪三上香奠茶三

奠酒畢就一拜興復位立並引降西階下殿歸位立

伴

出閣上
官皆又下

兩拜訖退宰執並降西階下殿歸位立侍

從官并閣門官已下及餘官並退一垂拱殿俟惟班

立定閣門附內侍進班齊牌皇帝出宮殿下鳴鞭排立

禁衛諸班直親從等并內侍省執骨朶使臣並迎駕自

贊帝起居皇帝座讀奏目知閣門官已下并覺察提點

同提點承受并內侍都知御帶已下樞密院諸房逐房

付承旨

並殿

諸司應奉官

公服
紫鞋

一班闈班常起居次

管軍一班

杖案

子常起居訖

侍末階下

次引宰執

正侍郎觀

祭使以上

筭並

常起居訖

分東西相向立

並如半執奏事

奏事退並

降西

隨于殿下

西向立如

次

館伴一班宣名

常起居

升使

次引

人使并讀祭文官宣名常

起居訖西序立

次引宰執人使讀祭文官并赴坐官合

一班北向立

揖躬兩拜謝坐訖次升殿賜茶畢降階

物生

兩拜訖

殿率執

餘官并人使讀祭文官並分出

餘伴杖入于

知閣南面

西立候

賜次再引入使讀祭

文官入赴見辭位西向立宣班訖四拜朝辭喝賜跪授

三拜訖西出次引上中節入四拜朝辭喝賜跪授三拜

訖

分

出

準

比次再引人使服所賜東入

語授書訖引使副降東階下殿西出至隔門閣門官殿

上側奏無事皇帝起鳴鞭詔依

十五日禮部太常寺言勘會已降指揮內外百官自十
五日並純吉服其送伴使副見送弔祭使人所有送伴
使副官屬等欲乞候禮畢回程日依上件指揮並純吉
服詔依

中興禮書第二百七十七卷

凶禮四十二

懿節皇后

訃音

紹興十二年四月十八日知行貽縣宋肇言北界泗洲
報皇后邢氏亦已上僊梓宮同徽宗皇帝顯肅皇后梓
宮一併迎護前來約七月末旬到界首詔令太常寺討
論典禮聞奏紹興九年六月二日皇后邢氏崩至是年
四月十八日報到其迎奉梓宮以至橫宮

梓宮與北界
併載永祐陵

同日禮部太常寺言今參照孝明皇后孝穆皇后初崩
典禮合設几筵欲乞於昨顯肅皇后几筵殿安奉詔依
二十六日詔四川闕報大行皇后梓宮約七月末旬到

界首譽延中壺訃問北來凡爾臣庶共深痛悼

二十七日禮部太常寺言榮州防禦使邢孝揚奏竊念
本家遠遠中宮慈訓日遷月改十有六年每思沙漠扈
衛之艱不遑寢食所都復還宮壺再覩宸顏豈圖變起
非常禍生莫測終天之痛夫復何言欲望聖慈矜惻特
許臣於本家設位牌供養至終制除脫奉聖旨令禮部
太常寺討論申尚書省檢會昭慈聖獻皇后故例是時
令孟忠厚本家遇逐七百日在家設位行禮今來邢孝
揚陳乞於本家設位牌供養至終制今討論欲依禮例
如遇逐七百日即令本家設位供養詔依宋會要西月二
中丞兼侍讀萬俟卨言此者伏遇大行皇后訃聞北來
臣子之心不勝哀隕臣欲率臺榭官于五月初二日躬
詣法惠寺啟建通
場一晝夜從之

立重

紹興十二年四月十九日權禮部侍郎施垌等言近討論成服日合立重今來即與故事不同欲乞比附禮例初開哀次日立重若將來發哀日并次日太史局所選日辰皆不可動土欲乞令都大主管官報臨安府置辦石座子一個就哀日同時立重詔依

發哀

崩典禮條具下項 一發哀日至群臣釋服前皇帝不視事 一依故事自聞來 未成服已前皇帝合服皂幘頭白羅衫黑銀帶欲乞令工部指揮文思院疾速製造赴御藥院送納如未造了欲乞依禮例權服忌日之服所有初發哀乞于几筵殿 一文武百僚俟几筵殿

發哀立班訖詣常御殿門外進名奉慰係未成服已前

權去金玉飾服黑角帶 一依故事合奏告天地宗廟

社稷諸陵宮觀詔依

發哀日太史局選用四月二十六日巳丑吉時宜用其日丙時吉

十九日權禮部侍郎施炯等言今續次參酌到事件

一成服後朝臨文武百僚詣幕次換孝服訖御史臺太

常寺閤門報班詣几筵殿內外隨宜立班並再拜訖禮

直官引班首詣 一將來初發哀并成服朝臨三日合

用香爐匙合香炭火並從都大主管官指揮几筵殿排

辦 一發哀後文武百僚每日朝臨合用幕次下儀警

司臨安府釘設如值兩依禮例免赴 一入內內侍省

省官所孝服服若隨從車駕至几筵殿即合服著詔依

二十二日御史臺言將來几筵殿發哀綠殿下地步窄

隘乞至日宰執以下百官於殿內外隨地之宜趨那立班其發哀成服朝臨乞集文臣應通直郎以上并行在見任承務郎以上職事官趨赴詔依

二十三日禮部太常寺言權禮部侍郎施垌等劄子勘會昨徽宗皇帝顯肅皇后升遐初發哀宣讀國書所有將來發哀竊念亦合修寫宣讀批送禮部太常寺擬定申尚書省照得今來為大行皇后發哀與當來徽宗皇帝顯肅皇后事體不同其宣讀閱報官欲乞差近上侍官一員宣讀仍令學士院將閱報照應修撰發哀文意詔依

同日權禮部侍郎施垌等言四月二十六日為大行皇后發哀文武百僚並於几筵殿臨安府見任寄居待闕

官不該赴几筵殿立班並赴臨安府公廳詔依

同日禮部太常寺言今看詳下項 一今來為大行皇
后初發哀欲令臨安府禁四月十六日屠宰一日諸路
州縣管內寺觀自闌報到日修建道場三晝夜仍令諸
州縣禁屠宰一日 一發哀成服日百司作休務假一
日一應臨安府裏外諸寺院自四月二十六日為始共
聲鐘五萬杵詔依

六月四日禮部言太宗正司申契勘四月二十六日大
行皇后崩發哀畢本司以將宗室男女嫁娶權住未委
却合至甚年月日依舊望下太常寺定奪送禮部看詳
申尚書省本部下太常寺看詳檢會紹興七年為顯肅
皇后上仙故事宗室男女各依服屬候終喪日分大功

服九月小功服五月總麻服三月無服宗室依禮例三日除服後不禁許令嫁娶今看詳今來大宗正司所申合依上件故事施行詔依

發哀儀

發哀日時前皇帝自內服常服至几筵殿側御帷俟時

將至皇帝就帷易皂幘頭白羅衫黑銀帶百條去全銀帶飾

服皂角帶次百僚入詣几筵殿下並北向立定俟時至宣讀

官東向立指笏宣讀訖出笏復位皇帝就帷內舉哭百

僚就位皆舉哭畢百僚退皇帝服皂幘頭白羅衫黑銀

帶還內以俟成服如別儀

成服

紹興十二年四月十八日禮部太常寺言今參酌典禮

下項 一檢會自來國朝園陵故事百司行移並稱大
行皇后今來百司行移欲稱大行皇后 一依故事將
來皇帝成服合服齊衰布頭冠白幘頭大袖襪衫裙袴
腰經桐杖今欲乞令工部指揮文思院疾速製造赴御
藥院送納 一檢會孝明皇后禮例皇帝成服七日而
釋章穆皇后禮例皇帝成服十三日而釋顯恭皇后禮
例係依章穆皇后故事十三日釋服今乞依近例十三
日釋服 一文武百僚成服日依故事就皇城内幕次
服齊衰服內宗室布四脚布直領襖衫腰經並自成服
後日一臨三日而除自退就次易吉服出內去金銀帶
魚袋釋服仍舊軍員於皇城内易衣今欲乞依故事施
行 一初發哀禮例行在諸軍統制統領官輪日赴臨

並成服其餘將副并部隊將管隊使臣并散使臣陞朝
官以上及將校副指揮使以上常服哭於本營廳事三
日而止其常日朝殿祇應排立行門禁衛班直將校副
指揮使已上并御前忠佐候百官赴臨即哭於殿門外
所有今來皇后崩初發哀并成服後臨三日欲乞依故
事施行內常日朝殿祇應排立行門禁衛班直將校副
指揮使以上并御前忠佐候百官赴臨去色衣臨於几
筵殿門外 一依故事士庶各於本家素服三日而除
婚嫁除服後不禁 一檢會國朝故事沿邊州縣軍鎮
並不舉哀又檢會禮例緣諸大帥各係國家腹心爪
牙之臣休戚一體各就所屯軍去處自副將而上咸服朝
晡臨其餘部隊將管隊使臣并散使臣陞朝官以上及

將校副指揮使以上並常服哭於本營三日而止今來
欲乞依禮例施行所有合服孝服官止朝臨仍乞於訃
告指揮前頭連頒降施行 一今來合差都大主管官
係降勅差近上入內侍省官 一文武百僚合服齊
衰布頭冠白幘頭大袖襖衫腰經并依國朝故事及近
例三省樞密院主事以上係主事以上有官并御史臺
太常寺閣門引班祗應人各合服孝服內引班無官人
止服布幘頭大袖襖衫腰經乞指揮下安臨府製造施
行詔依

同日權禮部侍郎施垌等言今欲乞降故事將來皇后
成服并釋服日及釋服後至祔廟前遇朔望日皇帝不
視事文武百僚於常御殿門外進名奉慰詔依

十九日權禮部侍郎施垌等言四月二十六日發哀所
有破服成服日太史局選用四月二十六日丙時破服
至庚時成服同時立重詔依

二十一日權禮部侍郎施垌等言今來為大行皇后掛
服日欲乞依禮例俟成服訖皇帝詣几筵前行發奠之
禮今參酌條具到合行事件 一合用香案香爐匙合
炭火湯瓶注梳盤盞茶盞托奠茶酒盃子沙鉢盆臺等
從都大主管所指揮所屬排辦 一合用御幄施簾於

几筵殿側隨地之宜并合用御座黃羅裯褥并奏請紫
褥下儀鸞司排辦 一合用祝文一首

述以皇帝為大
行皇后成服訖

之行祭奠
之禮

一合差讀祝文官一員乞降勅於史官內差

一合用御封降真香一合 一合差侍香并進茶酒

捲簾舉祝版內侍下入內侍省量人數差 一合用

定時剋擇官二名下太史局差 內一名于殿門外百官幕次

前一合差前導太常卿一員贊引太常卿太常博士

一員乞差本寺少卿博士充 一勘會將來成服日至

時如遇雨降乞令文武百官止於几筵殿門外幕次俟

時掛服訖隨地之宜權立止乞宰執侍從臺諫武臣觀

察使已上赳赳立班仍從都大主帝所闕報修內司同

臨安府相度結縛席屋詔依 自後几筵降祝文係學士

內侍省降取其釋服并奉上冊竇几筵御封香條入

香器血御經科禮差讀祝文官并前導太常卿博士侍

並倣此 二十二日大行皇后几筵都大主管所言契勘今來大

行皇后几筵已選定四月二十六日庚時成服合用祝

文乞令學士院修撰降下遣官行禮詔行禮官差主管
官祭文令學士院日下撰書祝版降付

同日臨安府言禮部太常寺奏文武百僚等合服齊衰
服下臨安府委官製造本府契勘行在及本府見任并
寄居待闕文武官員數至多欲依近降指揮百僚見梓
宮合服總麻服體例除職事官製造孝服給散外所有
寄居待闕文武官支給布一匹詔依

二十五日太傅樞密使廣國公張俊太傅福國公韓世
忠奏契勘四月二十六日文武百僚並赴大行皇后几
筵殿舉哀掛服所有隨行官兵並係軍前人緣逐人自
來不曾置辦朝服欲望免赴几筵就臣親兵寨舉掛詔
依

成服祭奠儀

對上卷之三

其日時前禮直官太常博士太常卿先詣幄前立俟皇帝自內服皂幘頭白羅衫黑銀帶詣几筵殿側御幄即坐簾降俟時禮直官太常博士引太常卿當幄前俛伏跪奏太常卿臣某言請皇帝為大行大行皇后成服奏訖服伏興並太常卿太常博士禮直官並權退易服訖於帷前立皇帝釋素服服期服文武百僚於几筵殿門外同時易服訖入詣殿門內外隨地之宜立班定禮直官先引讀祝文官詣香案之西東向立俟皇帝服期訖閣門報班齊在位官皆再拜訖簾捲禮直官太常博士太常卿前導皇帝出幄由側階詣大行皇后几筵香案前奏請上香再上香三上香內侍進茶酒又奏請酌茶三奠酒奏請少立讀祝文

官東向跪讀祝文訖奏請皇帝舉哭在位官皆舉哭俟哭止又奏請致飲不拜前導官前導皇帝在位官皆再拜俟前導歸幄次文武百僚前導官退皇帝還內文武百僚詣常御殿門外進名奉慰訖退

禁樂

紹興十二年四月十八日禮部太常寺言今參照典禮下項 一依故事初崩合禁止音樂今欲乞自發哀日為始禁止行在音樂至釋服仍舊 一依故事諸道州府等計到日舉哀成服三日而除欲依故事施行仍乞禁止音樂三日亦乞於計告指揮前頭速頒降施行詔依

五月六日權禮部侍郎施垌等言謹按孝明皇后之喪

朝廷用樂月日國史不載章穆皇后景德四年四月十六日崩八月群臣請用樂表凡再上詔終不許至是年十月賜宴乃用樂顯恭皇后喪制省記得係用章穆皇禮例今來大行皇后之喪除已詔天下禁樂三日外所有朝廷用欲月日欲望除祭天地宗廟社稷用雅樂不禁外其行在樂乞候祔廟禮畢日舉用蓋自古禮經所不載者皆以故事參酌其宜按景德群臣奏表以既安神寢爰祔闕宮為言今來亦欲遵用章穆皇后故事舉樂於祔廟之後其間月日久近雖稍不同而皆在祔廟既畢之後於禮無嫌詔依

十三年四月十一日禮部太常寺言已降指揮四月二十六日懿節皇后徹几筵欲乞是日并前一日禁在城

音樂仍乞二十六日百司作休務假一日詔依

不停祭祀

紹興十二年四月二十六日權禮部侍郎施炯等言近
討論大行皇后合行典禮內停宗廟祭及中小祀係用
孝明皇后章穆皇后故事竊詳二后之喪所以止停宗
廟祭及中小祀者蓋是引用禮經唯祭天地社稷為越
紼而行事之文謹按禮經越紼行事蓋為三年之喪七
月未葬之時故上文云喪三年不祭經傳凡稱三年之
喪者皆為父母之喪儀禮曰為妻之服期禭弓說魯哀
父有為妻齊衰之文今以齊衰期喪而引用三年之喪
禮殊失先儒不以卑廢尊之義竊恐難以遵用况祭祀
不行乃國之大事臣子所不敢忽今來大行皇后之喪

未祔廟以前所有宗廟祭及中小祀欲望特不停罷非
惟有合禮經且使舛繆之典釐正於聖朝庶幾後世無
得而議詔依先是四月十八日禮部太常寺奏參照
故事合併宋廟并中小祀故有是命

釋服

紹興十二年五月五日禮部太常寺言五月九日大行
皇后釋服日依禮例皇帝詣几筵前行祭奠之禮今參
酌成服祭奠禮例條具到事件 一合用御封降真香
一合祝文一首述以為大行皇后釋服行祭奠禮之意
一釋服日欲乞依禮例皇帝自內服朝服詣几筵殿
御帷俟太常卿奏請訖權易忌日之服俟行禮畢歸帷
易吉服還內 一應行事執事倍位官赴几筵殿依禮
例並合權易黑帶去金玉飾
并魚袋 依禮畢仍舊吉帶 一行

禮日依禮例文武百僚倍位立班及合用幕次等下臨安府儀鸞司排辦是日百司作休務假一日一俟釋服訖其期服令太史局剋擇官指引利方焚燒合差監視焚燎官一員下入內侍省差所有合用柴草乞從都大主管所下諸司排辦亦令諸司報皇城司放入詔依

釋服祭奠儀

其日俟皇帝自內服期服詣几筵殿側御幄簾降即座禮直官太常博士太常卿詣御幄前立定次禮直官太常博士引太常卿當幄前俛伏跪奏稱太常卿臣某言請皇帝為大行皇后釋服行祭奠之禮奏訖伏興退復位立俟皇帝釋期服易忌日之服訖御史臺太常寺閣

門分引文武百僚權易黑帶詣几筵殿門之內外隨地
之宜立班定禮直官先引讀祝文官升殿詣几筵前香
案之西東向立閤門報班齊在位官皆再拜訖簾捲禮
直官太常博士太常卿前導皇帝出帷由側階詣大行
凡皇后几筵香案前奏請上香再上香三上香內侍進
茶酒又奏請酌茶奠酒再奠酒三奠酒奏請少立請祝
文官指笏東向跪讀祝文訖執笏興退奏請皇帝舉哭
在位官皆舉哭俟哭止又奏請皇帝致歎不拜前導官
前導皇帝在位官皆再拜訖俟皇帝歸帷次文武百僚
前導官退皇帝就帷易吉服還內次文武百僚易吉帶
詣常御殿門外進名奉慰訖退

宋會要四月二十四日
禮部太常寺言大行皇帝

后上卷已降指拜以日易月十三日而齊僧道三七人
於拜服內作迤茶道場自發哀日每日齊僧道三七人

作道場至第五日作首七日每日作一期小祥初第三日作六
七合終次日作百日又次日作周會以後逐次水陸
水陸齋七日作交蘇然二七作大會依此排辦
頭張熱相間排設訖今都大王管所依此排辦
御殿

紹興十二年四月十八日權禮部侍郎施垌等言檢會
章穆皇后故事群臣釋服後皇帝便殿視事皇帝釋服
後前殿視事所有將來群臣釋服後皇帝便殿視事係
在未釋服之內緣於故事即不該載便殿視事所服又
緣群臣已釋服今參酌欲乞群臣釋服後皇帝便殿視
事易忌日之服俟皇帝釋服後服常服前殿視事詔依
奉迎

紹興十二年四月十八日禮部太常寺言已降指揮於
皇城側近權設龍德宮安奉徽宗皇帝顯肅皇后梓宮

將來扈從到大行皇后梓宮欲依禮附於姑之下顯肅

皇后梓宮之次以西為上於禮為順詔依宋會要四月

部太常寺古迎護梓宮邊界經由州縣依禮例差官致祭十里內係省神祠至行在權安奉之後差官奏告天

地宗廟社稷諸陵宮殿詔依

五月六日權禮部侍郎施垌等言迎護徽宗皇帝顯肅

皇后梓宮過界迎護禮儀使已差判紹興府孟忠厚却

大主管官已差知宗士会提舉應奉排辦一行事務差

兩浙轉運副使黃敦書所有今來大行皇后梓宮過界

欲乞就差前項官迎護到行在詔依

十日權禮部侍郎施垌等言竊詳孝明皇后章穆皇后

喪禮發引遣奠百官皆服初喪之服所以必服初喪之

服者以雖在三日釋服之外而猶在周期之內也今大

行皇后梓宮將來到行在安奉至發引亦皆在釋服之外周期之內百官雖合依二后禮例並服初喪之服而其勢有不得行者大行皇后梓宮之歸及將來發引係與徽宗皇帝顯肅皇后行列相次并將來奉安係祔於顯肅皇后之側止降指揮百官見徽宗皇帝顯肅皇后梓宮依禮見柩服總麻服一總一衰方迎奉之初既不能並服於一時之間及奉安之後亦不能遽易於一殿之內謹按禮經斬衰之喪既虞卒哭遭齊衰之喪輕者包重者特注云此言包特者明於卑可以兩施而尊者不可二也又斬衰之葛與齊衰之麻同大功之葛與小功之麻同麻同者兼服之言尊者之輕服可當卑者之重服也又古者祔禮士祔於大夫則易用大夫之牲又

禮祔葬者不筮宅蓋昏言既用祔禮則以所祔者為之主也今大行皇后迎奉至發引在禮既有早者當包之文於義又有所祔為主之說雖遵依二后喪制並服初喪齋哀非惟勢有不可而於禮亦所未安有司定議將來大行皇后梓宮迎奉發引等百官只用緦麻之服詔依

十四日禮部太常寺言迎護梓宮過界令迎護梓宮禮儀使於界首前一日宿齋次日行禮所有今來奉迎大行皇后梓宮亦合降香祝令禮儀使一就行禮內祝文乞下學士院修撰書寫述以皇帝道并合用香令入內侍省請降付寺一就齋降前去詔依